

Pameran bantu generasi muda kenali pemimpin

Pekan: Pameran legasi kepemimpinan di Universiti Malaysia Pahang (UMP), di sini membantu rakyat terutama generasi muda mengenali pemimpin membangunkan negara sejak merdeka dan mewujudkan sikap cintakan tanah air.

Penuntut Ijazah Sarjana Muda Kejuruteraan Awam dan Sumber Alam UMP, Muhammad Aizat Azed, 23, berkata pelajar seperti dia dapat mengetahui dengan lebih mendalam kepemimpinan dua Perdana Menteri, Allahyarham Tun Abdul Razak Hussein dan Datuk Seri Najib Razak.

"Sangat menarik kerana dapat mengimbu memori pencapaian dan kegemilangan dua pemimpin hebat negara yang membawa Malaysia ke satu era yang baharu."

Semai semangat patriotik

"Secara tidak langsung ia dapat mewujudkan semangat cintakan negara dan mendorong saya sebagai generasi muda untuk meneruskan usaha bagi memajukan Malaysia pada masa depan," katanya ketika ditemui pada pameran itu di sini, semalam.

Pameran dua hari di Dewan Bankuet Bangunan Canselor Tun Abdul Razak itu adalah kerjasama UMP dengan The New Straits Times Press (Malaysia) Berhad (NSTP) sempena 40 tahun pembabitan Perdana Menteri dalam politik.

Pada pameran itu, UMP dan NSTP menandatangani memorandum persefahaman mengenai jaringan kerjasama strategik dalam berkongsi kepentingan bidang penerbitan, media dan komunikasi untuk meningkatkan hubungan dua hala bagi aktiviti penjenamaan dan Program Khidmat Sosial dan Inovasi (CSI).

UMP diwakili Naib Canselornya, Prof Datuk Dr Daing Nasir Ibrahim, manakala NSTP oleh Pengarang Urusan Kumpulan-nnya, Datuk Abdul Jalil Hamid.

40 TAHUN MENABUR BAKTI KEPADA RAKYAT

'Nostalgia penuh bermakna'

» Pencapaian
Najib jadi
kebanggaan
rakyat Pahang

Oleh Abdul Razak Raaff
dan Amin Ridzuan Ishak
bhnews@bh.com.my

■ Pekan

Pencapaian Datuk Seri Najib Razak yang semalam genap 40 tahun terbabit dalam politik tanah air sehingga menjadi Perdana Menteri membanggakan rakyat Pahang.

Mengucapkan tahniah di atas pencapaian itu, Tengku Mahkota Pahang, Tengku Abdullah Sultan Ahmad Shah bertitah ia adalah satu nostalgia yang memberi makna yang besar dalam konteks pembangunan negara.

PM berpengalaman

"Bagi saya itu adalah satu nostalgia yang mempunyai besar maknanya, 40 tahun lalu saya dan dia tiada rambut putih, tetapi hari ini kita nampak seluruh rambut dan keningnya total white (semua putih), ia menunjukkan banyak pengalaman dilaluinya."

"Namun, kita harus rasa bangga dengan pencapaian dilaksanakan Yang Amat Berhormat Perdana Menteri, satu ketika menjadi Ahli Parlimen dan kemudiannya Ahli Dewan Undangan Negeri (ADUN) terus jadi Menteri Besar, kemudian jadi menteri di peringkat Pusat dan sekarang jadi Per-



Najib menyaksikan pertukaran MoU persefahaman di antara Profesor Dr Daing Nasir (kiri) dan Abdul Jalil selepas merasmikan kampus utama UMP di Pekan, semalam. [FOTO FARIZUL HAFIZ AWANG/BH]

dana Menteri berasal dari Pahang di kawasan Parlimen Pekan," katanya sebelum merasmikan Universiti Automotif Malaysia DRB-HICOM (DHU) mewakili Sultan Pahang, Sultan Ahmad Shah di sini, semalam.

Yang turut hadir, Najib, isterinya, Datuk Seri Rosmah Mansor, Menteri Besar Pahang, Datuk Seri Adnan Yaacob, Menteri Pendidikan Tinggi, Datuk Seri Idris Jusoh dan Pengarah Urusan Kumpulan DRB HICOM Bhd, Tan Sri Mohd Kamil Jamil.

Tanggal 21 Februari 2016 menjadi detik bersejarah kepada Najib kerana menanda-

kan genap 40 tahun pembabitan anak sulung Allahyarham Tun Abdul Razak Hussein dan Tun Rahah Muhammad Noah dalam arena politik.

Pada majlis itu, Tengku Abdullah dimasyhurkan sebagai Canselor DHU pertama yang sebelum ini dikenali sebagai Kolej Automotif Antarabangsa (ICAM) milik penuh DRB HICOM pada majlis berkenaan.

Sementara itu, Mohd Kamil berkata, pembangunan DHU bagi fasa pertama membatikan pembinaan pusat pembelajaran, fakulti kejuruteraan, fakulti perniagaan dan perkampungan pelajar

yang mampu memuaskan seramai 2,400 orang.

"Bagi fasa kedua pembangunan, kami berhasrat membina sebuah lagi blok fakulti kejuruteraan, pusat penyelidikan dan pembangunan serta perumahan baharu untuk pelajar, pensyarah, kakitangan dan pengurusan kawan.

"Berdasarkan keperluan, kami juga bercadang melaksanakan pembangunan fasa ketiga iaitu pembinaan pusat pembelajaran, fakulti kejuruteraan, fakulti perniagaan dan perkampungan pelajar